

道門科範大全集卷七十之七十二

甲三一

道門科範大全集卷之七十七

七十一
七十二同卷

甲三

道士修真謝罪儀

清旦行道

法事陞壇如式

各禮師存念如法

宣衛靈呪

青陽虛映耀日回靈神虎辟邪飛天流鈴
摧奸滅試萬魔束形九微回道八威攝精
千真校錄三元蕩清左嘯中黃右策六丁
七轉八合周旋天經聖化巍巍大道興行

慶雲流布 合景黃庭和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝

甲三

直符直日香官合三十六人出出者嚴裝顯
服冠帶垂纓關啓玄壇土地方域神真臣今
清旦行道謹奉為入意其諸情悃已錄奏聞
願得

太上十方至真道炁靈寶瑞光下降流入臣

身中令臣所啓速達徑御

太上無極大道

昊天玉皇上帝

御前

請稱法位

具位臣某與合壇衆官等謹同誠上啓

三清上聖十極高真十方太上靈寶天尊消
愆滅罪天尊大慈延壽天尊長生保命天尊
九霄自然生神上帝度人太皇三十二天上
帝諸天天尊諸天上帝上清日月星斗河漢
羣真三官四聖五師三省真君九天天曹諸

位真君歷代傳宗啓教諸大師真雷霆神虎
天醫諸司官將太上諸階經籙中仙官將吏
天下名山得道神仙地府酆都大帝幽陰聖
衆水府扶桑丹林大帝閻苑真仙人元五嶽
五天聖帝酆都地祇諸司元帥太歲土火溫
甲三
司聖衆州縣城隍主者當境廟社神祇福庭
土地真官法壇諸司官將三界提魂攝魄神
兵四界直符功曹使者醮筵主宰一切真仙
恭望洪慈洞回淵鑒臣等夤緣夙命獲履法
門遵太極之元科佩上清之祕籙廣宣奧旨

以效涓誠今則玉宇澄清寶壇嚴肅奉霄綱
而致欵跂真馭以垂臨享此潔脩應其昭告
既承詞旨敢不上聞

宣詞

按如詞陳情誠丹切正一道士臣某等叨承
福會願被真風幸依清淨之門冀悟希夷之
旨而念塵勞障蔽懊惱攀緣馳心徒繫於三
清委跡難逃於陸海功微毫髮累積丘山五
行爲命運之裁星曜構照臨之厄非憑懺謝
莫遂消禳是以跪信質心延真設禮命正一

之淨衆啓靈寶之清壇夙奉薰修克期通感
以今清旦行道請法衆等運茲初捻上香願
此香烟騰空徑上供養

至真無上道寶臣等皈身皈神皈命以是功
德上祝

甲三

三

今上皇帝伏願寶圖鞏固椿壽遐長聖政日
新建皇極立大中之道帝德天輔亘萬世隆
不拔之基兆庶宅心八方同軌文階武秩叶
贊熙朝玉葉金枝昭宣景運恩均遐邇澤被
幽明蒙道化以召和沐玄風而交泰今故燒

香自皈依

道尊大聖衆至真之德得道之後昇入無形
和與道合真

以今清旦行道請法衆等運茲二捻上香願
此香烟騰空徑上供養

至真無上經寶臣等皈身皈神皈命以是功
德歸流正一道士臣某等三師九祖近代先
亡道俗親緣尊卑眷屬伏願削落地簡灌鍊
形魂債訟息緣冤仇罷對入明霞之境沐流
火之庭永出重冥克登淨域真師玄友靈藥

神丹願拯昏迷迥賜通感今故燒香自皈依
經尊大聖衆至真之德得道之後昇入無形
和與道合真

以今清旦行道請法衆等運茲三捨上香願
此香烟騰空徑上供養

至真無上師寶臣等皈身皈神皈命以是功
德皈流正一道士臣某等師資長幼法屬親
蘿旣未脫於俗鄙願廣恢於道廕福庭崇觀
獲安處以無虞琳扎青書庶深潛而有得永
捐塵累克闡真風一子登仙九曾受賜今故

燒香自皈依

師尊大聖眾至真之德得道之後昇入無形
和與道合真

懺方 命魔 步虛 三禮

重稱法位

甲三

具位臣某與合壇眾官等謹重誠上啓

四

虛無自然元始天尊太上大道君太上老君

昊天玉皇上帝勾陳天皇上帝北極紫微大

帝承天效法后土皇地祇道經師三寶天尊

上窮圓蓋之高真下極方輿之主宰有靈有

聖今古師宗醮筵合座真仙恭望洪慈普同
昭鑒臣聞清靜之教大闡於西周正一之風
宣行於東漢自虛皇之造物至道為先暨盤
古之開天神化為主東羅飛景西列靈立南
挹丹陵北峙元闕乃有上聖執符之帝高真
御極之尊坐鎮九清總攝三界斡旋二氣朝
會萬神廣扇慈風聿臨下土今遇天元之寶
運持敷龍漢之化源溥濟人倫俾登壽域正
一道士臣某生逢昭代長遇休期得 玄門
獲披妙訓師資開度佩奉靈文緣里 馳沉

迷邪境三會五膈有虧朝奏之功八節三元
多昧進修之禮六陽十直崇奉愆期甲子庚
申禱祈踈禮齋分九等豈洞曉於真詮功立
三千罔有依於聖訓科禁至重舉措多違戒
律威嚴修持有闕心非意亂犯百八十條識

甲三

五

淺智愚冒三百大戒六情十惡過積丘山九
結十纏愆深巨海疊為盈累簿罪結冥司致使
殃咎日深災危旋至所以叩玄關而有請望
丹闕以知歸揆日投誠披心效信式敷壇席
備舉明科稽首諸天告盟三界馨薦芬芳於

百和華燈洞煥於九光五靈燦丹篆之符八
會演玄都之典監觀法事二師垂保舉之恩
賞錄齋功四司定祿命之簡赦除罪咎解釋
災躔道果圓成深造無爲之理真源朗徹獨
觀衆妙之門出生死根離煩惱苦三師九祖
乘善貺以逍遙五族六親沐神休而康泰上
願三光明曜五緯循躔氣序均調生靈共慶
干戈偃息三邊無烽燧之虞稼穡穡豐登九域
富農桑之業下逮三塗幽境六趣同倫涵泳
神波沐浴靈澤普躋壽域咸樂真風道化所

資物情俱泰上明

天尊大慈之澤下副臣等皈向之誠謹啓以

聞

十二願

復鑪

謹攝香官使者左右龍虎君侍香諸靈官當
令臣向來清旦行道之所自然生金液丹碧
芝英百靈衆真交會在此香火鑪前當願十
方仙童玉女接待香烟傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之七十一

甲三

六

道門科範大全集卷之七十一

道士修真謝罪儀

臨午行道

法事陞壇如式

各禮師存念如法

宣衛靈呪

丹靈朱火 炎霞激風 赤輪剛運 天光八衝
迸威包羅 交變萬方 流金豁落 羣魔滅蹤
辟奸破妖 明耀元功 金符召制 躡雲策龍
謠歌慶會 散花太空 神化宜運 四極安隆
伏御帝前 罔有不恭 與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝

直符直日香官合三十六人出出者嚴裝顯
服冠帶垂纓關啓玄壇土地方域神真臣今
臨午行道謹奉為入意其諸情悃已錄奏聞
願得

太上十方至真道炁靈寶瑞光下降流入臣

甲三

七

身中令臣所啓速達徑御

太上無極大道

昊天玉皇上帝御前

請稱法位

具位臣某與合壇衆官等謹同誠上啓

三清上聖十極高真十方太上靈寶天尊消
愆滅罪天尊大慈延壽天尊長生保命天尊
九霄自然生神上帝度人太皇三十二天上
帝諸天天尊諸天上帝上清日月星斗河漢
羣真三官四聖五師三省真君九天天曹諸
位真君歷代傳宗啓教諸大師真雷霆神虎
天醫諸司官將太上諸階經籙中仙官將吏
天下名山得道神仙地府酆都大帝幽陰聖
衆水府扶桑丹林大帝浪苑真仙人元五嶽
五天聖帝酆都地祇合千元帥太歲土火溫

司聖衆州縣城隍主者當境廟社神祇福庭
土地真官法壇諸司官將四界直符功曹使
者醮筵主宰一切真仙恭望洪慈洞垂昭鑒
臣等先緣積慶獲奉

皇恩持真戒以修身執靈符而度命愧無寸

効將迪元風當激勵於精衷用宣行於祕牘
惟天在上俯憐有禱之誠沉日之中共仰無
私之照登齋旣肅薦歛惟勤行道詞誠謹當
宣奏

宣詞

譚詳詞語備述丹衷仰冀感通俯從至願正
一道士某言念幸稟沖和之氣獲歸恬淡之
宗雖身染俗塵而心銘玄造常虞懈怠罔答
生成用諏消吉之辰特設祈禳之醮虔伸丹
悃上瀆清虛謝已往之愆尤希將來之福祐

甲三

八

臣等遵依科簡啓建壇場披靈寶科文按真
仙品格恭修齋直匪懈晨昏告上靈關五億
之天達下懇徧三千之境冀回鑒祐普降恩
光克洽靈心恪酬至願以今臨午行道請法
衆等運茲初捻上香願此香煙騰空徑上供

養

太上三尊臣等皈身皈神皈命以是功德上

祝

今上皇帝伏願壽與天齊福如川至高出百
王之上長為九有之尊廟堂多稷契之忠郡

邑足龔黃之政百蠻率服多稼豐登物無扎

傷民安康靜來航海梯山之貢迎日書月至

之祥承靈寶之齋功樂昇平之景運今故燒

香自皈依

道尊大聖衆不真之德得道之後昇入無為

和與道合真

以今臨午行道請法衆等運茲二捻上香願
此香煙騰空徑上供養

太上尊經臣等皈身皈神皈命以是功德歸
流正一道士某多生上祖奕世先靈雖負其

甲三

九

道骨仙風莫諧輕舉空服乎荷衣蕙帶難脫
沈淪願乘靈寶之功受以飛仙之錄同列侍
臣於上帝並參法從於高穹今故燒香自皈
依

經尊大聖衆至真之德得道之後昇入無形

和與道合真

以今午朝行道請法衆等運茲三檢上香願
此香煙騰空徑上供養

太上三師臣等皈身皈神皈命以是功德歸
流正一道士某身輕體逸如嬰兒之未孩炁

固神安逢猛獸之不據處春夏秋冬之序無
風寒暑濕之愆六鑿不萌百病蕩散法裔共
膺於泰定門庭永集於祥禧有厄俱消無往
不慶今故燒香自皈依

師尊大聖衆至真之德得道之後昇入無形

和與道合真

懺方 命魔 步虛 三禮

重稱法位

具位臣某與合壇衆官等謹重誠上啓

虛無自然元始天尊太上大道君太上老君

昊天玉皇上帝勾陳天皇大帝北極紫微上

帝承天效法后土皇地祇道經師三寶天尊

上窮圓蓋之高真下極方輿之主宰有靈有

聖今古師宗醮筵一切真仙恭望洪慈洞回

淵鑒臣等伏聞蕭臺劫初高峙於紫清貝闕

珠宮飛翬於碧落蘊三天之妙炁藏八會之
靈文生化羣倫陶埴萬彙既蒙亭育敢憚欽
修臣等託跡凡籠棲心仙教授道之日登壇
以盟約當上報

國恩奉行經法凡有虔告敢不以聞正一道

甲三

十

士某跡離塵緣生逢

聖世處黃冠之末學即紺宇以深居馘毒伐
惡以積功奉教宣科而濟世仍纏俗網每混
常流儉足靜安不念赤松之戒苟貪損志莫
遵翊聖之文於六陽十直而憚持齋於三會

五膺而忘懺罪昧三關之調適致六賊之相
攘營營齋醮之小緣衮衮是非之苦海貪多
務得乍喜還嗔進止頻犯於壇規宣演不知
於禁忌背違科戒縱恣心神三明六暗之中
但迷邪境八節四時之內罔有善功百瀆自
傾氣亡液漏三彭得計禍結形枯深憂先世
以迷真恐逐浮生之天喪求此懺穰之法少
伸首謝之誠遵奉典彝恪修齋直玉華散景
龍煙凝車蓋之形蓮焰騰輝鳳燭燦芝蘭之
氣薦以蘋蘩之潔藉以文彩之蠲果實惟嘉

酒醴既旨祈萬神之來享格一德之精純載揚微妙之音上徹虛皇之聽所冀

三清上聖十極高真俯納微誠特垂巨貺命三官而掌錄敕五帝以下觀赦已往之罪瑕錫將來之祿筭密付長生之旨甲三潛敷駐世之十二

方飛天下觀大勲保舉雲凝靈府名入真階斷穀辟糧食至和陰陽之氣燒香接手入太室璇璣之門逍遙上清超凌三界得證無爲之果永除墮業之侵上願

國祚興昌帝圖安鎮海宇即臻於康靜黎民

共樂於昇平歲贍倉箱物無疵癘息波所及
幽顯俱霑各遂攸宜咸得其所臣等功圓六
度道證三便谷隱寒棲克登真果上明
天尊大慈之澤下副臣等皈命之誠謹啓以
聞

十二願

復鑪

謹攝香官使者左右龍虎君侍香諸靈官當
令臣向來午朝行道之所自然生金液丹碧
芝英百靈衆真交會在此香火爐前當願十

方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之七十一

道門科範大全集卷之七十二

道士修真謝罪儀

晚朝行道

法事陞壇如式

各禮師存念如法

宣衛靈呪

甲三

十二

五星高耀 瑞氣飛浮 元始集神 天地交周
玉符寶節 嘯命微幽 擲火揚威 奸凶無留
萬魔振伏 紛葩却消 摧怪滅惡 道炁周流
神光照夜 陰翳俱收 萬神降格 扇景乘飈

羣生咸遂 惠遍神州 與道合真

鳴法鼓二十四通

無上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官合三十六人出出者嚴裝
顯服冠帶垂纓關啓玄壇土地方域神真臣
今落景行道謹奉爲入意其諸情悃已錄奏
聞願得

太上十方至真道炁靈寶瑞光下降流入臣

身中令臣所啓速達徑御

太上無極大道

昊天玉皇上帝御前

請稱法位

具位臣某與合壇衆官等謹同誠上啓

十三

三清上聖十極高真十方太上靈寶天尊消
愆滅罪天尊大慈延壽天尊長生保命天尊
九霄自然生神上帝度人太皇三十二天上
帝諸天天尊諸天上帝上清日月星斗河漢
羣真三官四聖五師三省真君九天天曹諸

位真君歷代傳宗啓教諸大師真雷霆神虎
天醫諸司官將太上諸階經籙中仙官將吏
天下名山洞府得道神仙地府酆都大帝幽
陰聖衆水府扶桑丹林大帝浪花真仙人元
五嶽五天聖帝酆都地祇合于元帥太歲二
火溫司聖衆州縣城隍主者當境廟社神祇
福庭土地真官法壇諸司官將四界直符功
曹使者醮筵主宰合座威靈恭望洪慈洞回
昭鑒臣與衆等仰承聖澤得被真風披三洞
之真文奉九清之玉檢晨興蠲潔夕惕修持

蓋從受道之初約以建功爲本再肅威儀於
清夜恭陳凡悃於紫宸瞻望真旂導迎景旣
將祈監盼用副齋精行道詞誠謹當宣奏

宣詞

諦詳詞語灼見誠情諒叶真慈必關聖監正
一道士某叨逢景運獲仰真宗荷聖主之洪
恩出家入道沐

天尊之慈澤潔志修行佩受靈文稟修玄教
未造沖玄之妙有虧習鍊之功罪目易彰福
田難構用專誠而薦歛庶引咎以自新恭被

壇場精嚴醮席法三洞焚修之格披十華朝
會之儀演暢法音敷揚大範莫不諸天齊到
五帝列言賞錄功勤克期通感以今落景行
道請法衆等運茲初捨上香願此香烟騰空
徑上供養

甲三

十四

九品高真十方上聖臣等皈身皈神皈命以
是功德上祝

今上皇帝伏願堯天廣覆舜日增明保生延
不抜之基五山鞏固司命益無疆之壽歷劫
綿長國安民豐欣樂乎太平之世臣忠子孝

敦睦乎大有之年獬豸觸邪屈軼指佞慶雲
呈瑞景曜示祥天威振犬羊之羣五兵戰戢
土宇復關河之廣九域同文今故燒香自皈
依

道尊大聖衆至真之德得道之後昇入無爲

和與道合真

以今落景行道請法衆等運茲二捨上香願
此香烟騰空徑上供養

九品高真十方上聖臣等皈身皈神皈命以
是功德歸流道士某家九玄滯識七祖神儀

咸承浩蕩之恩並證逍遙之果丹臺絳闕景
侍玉皇霞殿雲房親朝大帝聽天鈞而自得
吟大洞以忘機惠被無涯福資來裔三師四
友俱陟仙階九夜三途咸登道果今故燒香
自皈依

甲三

十五

經尊大聖衆至真之德得道之後昇入無形

和與道合真

以今落景行道請法衆等運茲三捻上香願

此香烟騰空徑上供養

元品上仙十方上聖臣等皈身皈神皈命以

是功德歸流道士其身中伏願道性圓明聖
心開發行運不逢於坎坷相貌長新流年永
絕於凶衰鬼神廕祐喜怒不留於肯臆精神
內固於丹田養浩如春住世生身之難老虛
心契道超凡入聖以長存今故燒香自皈依
師尊大聖衆至真之德得道之後昇入無形
和與道合真

懺方 命魔 步虛 三禮

重稱法位

具位臣某與合壇衆官等謹重誠上啓

虛無自然元始天尊太上大道君太上老君
昊天玉皇上帝勾陳天皇大帝北極紫微上
帝承天效法后土皇地祇道經師三寶天尊
上窮圓蓋之高真下極方輿之主宰醮筵列
聖一切真靈恭望洪慈洞回昭鑒臣等伏聞
混淪蕩蕩變通莫得而爲先芒角明明開闢
於斯而是判皇人筆傳於大梵後聖總著於
靈圖大象聿成洪源肇判散精則開明三景
下鎮則敷落五篇典詰旁流淵微遠布萬神
敬聽品物咸資臣等生稟至愚服膺上學遵

依玄教對越上真自稟命以修身常飾躬而
肄業金文玉札粗識於筌蹄聖域仙階莫窺
乎影響唯堅誠信冀獲感通真格敷陳尊靈
必降道士某託身道域切庇霄真未能謝絕
於塵寰徒自沉迷於世網參經佩戒雖加策

甲三

十六

勵之心密行陰功尚缺進修之力機靈素昧
衆善弗臻習氣未除諸緣常染細行分門於
八百未見指歸威儀備列於三千曾無精進
業根深固道果難成未登悟解之門恐墮塵
勞之障今則首體投地晨夕告天稽按明科

嚴陳淨醮經開玉笈像禮金容靈音振空洞
之章黎土集寶珠之衆香傳七驛達誠悃於
虛皇燈燦九微破幽昏於夜壑曲盡熏修之
志不違朝贊之勤以格真靈克諧昭應萬神
侍衛三界監觀奏簡玄都列言丹陛伏覲勅
下三界普告諸天降福流恩延生保命智通
玄悟永息昏迷厚祿遐齡常居法廕和平寃
咎消解災凶五行無刑剋之殃三景息照臨
之會上解璇璣天文宿曜十二分次之厄下
解山川嶽瀆九宮八卦分野之災夙罪積愆

深殃重釁前寃往偵故殺誤傷三業六情無
邊過咎自今懺謝咸乞蕩除上願

帝道永安洪基益茂三光朗照四序均調包
舜海以涵濡廣堯曦而照燭五風十雨常滋
物產之豐八穀九甲三蚕大足農民之望氣無繆

鑿歲免災氛普及羣生旁資九十七有咸承道果
俱契真乘則上明

天尊大慈之化下副弟子謝罪之誠謹啓以
聞

復爐

謹攝香官使者左右龍虎君侍香諸靈官當
令臣向來落景行道之所自然生金液丹碧
芝英百靈衆真交會在此香火爐前當願十
方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之七十二



